



~ 16
2793
8



18
2793
8

空同子集

卷之三十五

北郡李夢陽撰 東莞鄧雲霄欵潘之恒蒐校

詩類九之一 七言絕句一

正德元年郊祀歌十首

帝京篇十首

皇陵歌

傳聞駕回有紀二首

聖節聞駕出塞二首

正德七年正月黃河清自清河至於柳家浦九

十里清五日焉

嘉靖元年歌二首

昭和十九年
六月三日
購求

右次大禮二十八首

送樂清少府二首 贈黃州牧

送友人 送周判官

送人入蜀 詠東方朔贈馬吏部

王吏部惠太玄戲贈

月夜過訪王子

僕思李白落鴈之遊徐子亦有知章鑑湖之請

念人悲離申此短贈徐子者禎卿也

嘲陸子二首

晚過序公戲贈并喜徐編修縉迹訪二首

夏口夜泊別友人 寄贈琪縣何氏夫婦

謝子饋笏答以駝布

送王呈貢赴縣 寄錢戶部

酬姚員外龍興見寄

贈丁生 別達生

寄別陶生 別李生

贈鮑激兄弟 贈劉君按察雲南

送蕭總制赴鎮 送修武知縣

贈李沔陽二首 寄郭帥

寄謝卿 贈陳氏

贈蔡帥

送王韜

贈羅氏

送熊進士入朝三首

二月望丘翁林亭二首

東鄭生二首

雨俟屠君不至

寄顧台州二首

太白山人仙遊吳越稔矣日者卜居吳興而婚

施氏妻妹予聞之輒詩嘲焉二首

雲中曲送人十首 對菊懷隣菊子二首

送吳生

東園贈鮑演

春日東莊要抗子 東雙溪方伯

送人之南郡三首

陶子見過草亭遂以留雲名之大書刻木我亭

增色爰賦二詩酬陶亦兼自意

春日宴王孫之第二首

要謝憲使南莊泛舟

江上逢鄭南溟

右次贈答七十四首

白鼻騮

少年行

海遊曲二首

絕句

壽歌二首

松鶴壽歌

夷門十月歌

黃河風雪詞

異景

暮春余莊

潯陽歌

汴中元夕五首

七夕

獄雨二首

右次感述二十一首

七言絕句一

凡一百二十三首

大禮

正德元年郊祀歌十首

戈馬喧喧動萬雷黃旗繞繞拂仙臺天上再開新日月南郊不改舊蓬萊

其二

漢家天子自天威春祀南郊春雪圍片片瓊花飄玉路五雲偏逐袞龍飛

其三

壇官乘笏候金鐘月出西南照雪峯不向蓬萊看五色那知天子是真龍

其四

中壇日月照天門上帝龍行羽衛屯烟裏桂花旋玉兔火開三足抱金盆

其五

外壇羅列黃金榜海嶽齊開白石門直使衡山馳薊
域更看西海過崑崙

其六

神來擊鼓復吹簧一道虹飛萬丈光閭闔清風搖玉
燭至尊獨立殿中央

其七

帝是高皇八葉孫隆準龍顏稱去聲至尊翠羽繽紛來
衆聖洋洋古樂亂雲門

其八

漢主登封巨跡空赭山秦帝洞庭中何如黍稷天神

享萬歲高高太極宮

其九

天馬元從天上落七星裝入寶刀頭壇空月照更衣
殿萬錦羣中刷紫騮

其十

金輿還內放人看萬戶千門震地懽繡扇徐開龍虎
氣君身不動泰山安

帝京篇十首

古時灞水卽蘆溝今代車書似水流日間五色龍文
氣天上春開五鳳樓

其二

漁陽北塞古風沙二月春風萬柳斜
薊門轉作長安苑燕桃開出武陵花

武一作五

其三

慷慨燕雲十六州天門北極帝星頭
胡塵一洗桑乾淨萬載朝宗四海流

其四

山作青龍左右盤扶桑西影拂桑乾
日月光華朝萬國天留北海作長安

其五

天皇按劍據金鞍飲馬追胡翰
海乾歸來並立擎天柱不數劉家承露盤

其六

胡后粧樓換上陽春風珠箔舞垂楊
半夜開城歸萬馬至今迷失幾鴛鴦

其七

今朝望海海雲生五色雲中白玉城
金陵巧接盤龍勢南北何如漢二京

其八

塞上星飛化羽林鼓音咸作管簫音
將軍把劍聞鷄

空同集
舞玉女朱樓學鳳吟

其九

高鼻胡奴入漢關
皂旗千隊射鵬還
君看萬古昏星月
洗出中華疊翠山

其十

自從黃帝破蚩尤
涿鹿雲黃黑帝愁
盤石果然爲碣石
幽州常作帝王州

皇陵歌

皇陵疊翠倚丹青
絳節飛光夜夜朝
千古長風吹海月
萬山松柏照空寥

傳聞 駕回有紀二首

正德年間作

正月傳聞 大駕還七日已度居庸關
鏡歌擬續之
回曲塞外應添駐蹕山

其二

白城新起望夷臺
黃鉞森森耀日開
六驟遠遁胡沙靜
六龍騰踏駕空回

聖節聞 駕出塞

千官北首望龍旂
萬國車書集鳳闈
八駿穆王秋色遠
幾時親擁白狼歸

其二

萬乘時巡萬壽臨鑿與漠漠積沙深悲忘殿闕呼嵩
日應繫單于款塞心

正德七年正月黃河清自清河至於柳家浦
九十里清五日焉

黃河水自崑崙出萬古東流元不清今瑞定於今
帝應世人休擬聖人生

嘉靖元年歌

元年正月又王春四海人稱拱 聖人已報岐山鳴
彩鳳更傳關內出麒麟

其二

大明十帝轉神明天意分明賜太平紫蓋復從嘉靖
始黃河先為 聖人清

先是正德七年九年黃河連清今上人繼大統之兆

贈答

送樂清少府

羽騎驂驪簇晚洲彭彭簫鼓引官舟為言獨對青松
樹何似逢迎綠水頭

其二

鴈蕩山前海色開樂清城在白雲隈紅桃碧柳津津
勝笑舞歡歌處處來

贈黃州牧

黃州江比使君清赤壁山留萬古名黃州小兒騎竹
馬來時相送去時迎

送友人

王孫笑向碧山棲春日春蘿裊裊低予亦悠悠芳草
者白雲愁色草萋萋

送周判官

明澄綠酒五花裘客舍新秋螢火流商君不飲真何
事明日出城風葉愁

送人人蜀

錦江風高生夕波蘆花蕭蕭秋鴈多問爾鄉關何處

是巴人時唱下渝歌

詠東方朔贈馬吏部

據地酣歌金馬門如花少女笑無言不是偷桃太無
那人間那謫歲星魂

王吏部惠太玄戲贈

吾家小子象童烏蒙惠玄文掌上珠笑殺街西王吏
部今朝猶得酒船無

月夜過訪王子

率爾高陽飲博徒酣歌擊劍膽何麤金門貴客如相
許徑脫鸚裘付酒壚

僕思李白落鴈之遊徐子亦有知章鑑湖之請念人悲離申此短贈徐子者禎卿也

君擬天台度石梁我歸沙苑望咸陽予今夢寐蓮華岳笑爾眷耽瀑布長

嘲陸子二首

松江陸子以予久不造過遂蒙嘲詠然陸子往許以小楷南征賦貺我久亦恠焉予故得反嘲戲之兼訊後約焉

甚欲來餐張翰魚只緣難換會稽書西家愚夫莫浪謔北海先生久索居

其二

我今四海覓雲松南遊笑指匡廬峰他時倘慕金光草與爾同鞭赤玉龍

晚過序公戲贈并喜徐編修縉迹訪二首

月滿長安啼暮鴉踏歌今夜醉誰家青蓮大士迎予笑背指秋鶯度落花

其二

長安大道竹林西李白尋僧花下迷舉杯恰對青天月檻外驚傳碧玉蹄

夏口夜泊別友人

黃鶴樓前日欲低
漢陽城樹亂烏啼
孤舟夜海東遊
客恨殺長江不向西

寄贈珙縣何氏夫婦

太峨西來通蜀門
瀘江北接武陵源
翁姑壽比江山
永縣北芙蓉似子孫

夫容
山名

謝子饋笏答以驪布

交州象簡白雲光
美人持贈意何長
洮西駝布雖微
細被服能堪冷月霜

送王呈貢赴縣

二月扁舟過浙西
楚雲何口度
吾溪滇南小郭青山
繞花發流鶯一樣啼

寄錢戶部

春城雞啼月欲沒
西鴈東飛遲
明發風裏楊花不定
飛震澤迢迢限吳越

酬姚員外龍興見寄

龍興龍沙一里餘
江風吹落錦雙魚
君覽浙潮須盡
海赤霞飛袂過匡廬

贈丁生

海涼秋水淨芙蓉
青天倒懸五老峰
眼見排風生羽翼
行空那辨有真龍

別達生

醉約金山看海流與飛江漢忽西遊龍沙月色年年
滿獨照匡廬萬仞秋

寄別陶生

青雲峰下紫雲生中有花樹春鳥鳴聽鳥看雲一杯
酒黃塵回首萬家城

別李生

華也南來送我行青絲挈酒玉壺輕滕王閣下江千
尺一曲滄浪萬古情

贈鮑漱兄弟

水學青龍左右盤玉流雙瀉碧光寒蘭昆並占空山
月分掣虹霓作釣竿

贈劉君按察雲南

碧雞金馬古黔陽滇海秋搖日月光自此蠻中無毒
熱行臺六月有飛霜

送蕭總制赴鎮

漢家新拜霍嫖姚司馬今年相宋朝旌旗一舉三邊
靜鴈塞平沙演射鵰

送修武知縣

青山盤谷繞桑麻赤水河陽接種花琴罷吏希簾晝

空同集
卷三十五
十三
捲自看雙柏哺慈鴉

贈李沔陽

雲夢茫茫繞一州
滔滔江漢古今流
問俗不須乘五馬
畫船簫鼓水鄉遊

其二

楚人抽棘霸江湖
萬載孤城剖一符
從此沔陽爲渤海
直教雲夢作蓬壺

寄郭帥

匡廬彭蠡兩蒼蒼
月館花城古豫章
誰信罷兵張宴地
夜深偏醉郭汾陽

寄謝卿

擲笏南還尚黑頭
移家西郭興全幽
春晴定上滕王閣
日暮江平起白鷗

贈陳氏

萬龍岡上古靈家
男樂耕耘女績麻
客到大開萱草閣
春風時動紫荊花

贈蔡帥

時清晝臥銅牙弩
客散宵披玉檢文
可道將軍渾是武
曾將三策獻明君

送王韜

王郎口談金虎文自稱師是紫陽君挂帆明月忽南
去影落龍江五色雲

贈羅氏

羅隱北下黃金臺牡丹芍藥次第開極目長江渺天
際八閩秋盡一帆迴

送熊進士入朝

武帝南征並海迴九天雲罕拂天來縹緲羣仙朝絳
節五雲宮闕是蓬萊

其二

蒼蒼玄武鎮皇州天上銀河轉地流言君不是乘槎
者昨夜分明到斗牛

其三

金馬岩堯接鳳臺石渠高閣倚天開仲舒早備天人
策漢主臨軒問自裁

二月望丘翁林亭

今日花朝好風日梁園酒新花更開走覓南鄰丘處
士月明騎馬醉深迴

其二

南鄰處士閉柴門竹樹春風野徑昏痛飲狂歌人不
識客來惟欲酒盈樽

東鄭生

東園紅杏日紛紛東望無煙蝶滿雲
少出違期因怯馬獨吟停蓋爲思君

其二

城門春禁不行車病懼攀鞍只在家
昨日東風來著意庭前忽放數枝花

雨俟屠君不至

暮倚高樓因候客雨來如注復如絲
試看春日洪州道可是山陰夜雪時

寄顧台州

中山何似峴山遊雲島長和海色幽
定有兒童笑山簡君今孰與鄭台州

其二

怪爾分符坐赤城東南遙見海霞生
梅開莫寄西來使春到煩求碧玉精

太白山人仙遊吳越稔矣日者卜居吳興而
婚施氏妻妹予聞之輒詩嘲焉

范子無端出五湖西施並載有耶無詩人只合鶯鶯
伴施家今是大姨夫

其二

見說仙人萼綠華

萼綠華晉昇平中降羊權家

麻姑亦降蔡經家

卽防獅子河中吼背癢無言爪得爬

雲中曲送人十首

壯士驅車出漢關馬頭絲絡紫金環莽莽黃雲迷代北
淒淒白霧滿燕山

其二

季冬飲馬長城窟沙磧飛揚帶白骨榆臺嶺邊聞鬼啼
猶是今年戰亡卒

其三

黑帽健兒黃貉裘匹馬追胡紫塞頭相逢不肯通名姓
但稱家住古雲州

其四

城上黃旗張暮天元戎宅內鼓闐闐底是鄰悲并巷哭
雲州明日是新年

其五

紫水東來入黑河紇干山下雪花多小兒攔街吹箴策
婦人能唱海西歌

其六

白登山寒低朔雲野馬黃羊各一群冒頓曾圍漢天子
胡兒惟說李將軍

其七

自從虜逼鴈門關漢家四野多空壘行子遙遙看獨
戍桑乾水水暮沙起

其八

黃毛愛子出打圍昏宿李陵古臺下忽傳風火入邊
城城中將軍夜秣馬

其九

戰士黃鬚立道傍自言曾射左賢王可憐孤績無人
論贈與青裘白馬郎

其十

北風吹日馬毛僵腰間角弓不可張馮君莫唱雲中
曲臘月雲中更斷腸

對菊懷鄰菊子三首

己巳年
閏月

舊種寒株傍吹臺重陽今歲不曾開遙思爛熳還憐
汝欲比馨香恐見猜

其二

睡起今晨看菊花霜枝冷藥忽參差非時未必輸桃
李三徑遙憐是一家

其三

爾家堂閣皆隣菊秋至滿地黃金錢不信南州能暑

空同集
熱直將花藥破霜天

送吳生

吳子乘春東入吳飛花獻舞鳥提壺此去囑君多載
酒直收春色過西湖

東園贈鮑演

修竹南牕花北牕翠陰濃色兩無雙隔城走馬催銀
燭今夜留君倒玉缸

春日東莊要杭子

白首春風獨種瓜故人常恨隔天涯今游莫憚驅行
遠十里柴門有杏花

東雙溪方伯

十旬不見雙溪子白晝看松只自眠君對紫薇誰是
伴相逢還似未逢前

送人之南郡三首

梁園千古見風流醉上任樓復謝樓相遇片言心便
倒腰間含笑解吳鉤

其二

鼓刀朱亥本微寒白首侯嬴是抱關不爲千金增意
氣祗緣一諾重丘山

其三

南陽帝里近親多
岡勢盤龍繞白河
便欲臨分留寶劍
方城漢水待鳴珂

陶子見過草亭遂以留雲名之大書刻木我
亭增色爰賦二詩酬陶亦兼自意

小構茅亭傍一松
雲來雲去寂無蹤
晴天戶牖濛濛濕
遂使人疑有臥龍

其二

茅亭自得陶公筆
盡日光芒動白虹
山澤不煩通地氣
片雲時起墨花中

春日宴王孫之第二首

紫宮華宴敞春風
密樹初花日映紅
向暮酒闌香不斷
始知春在綺羅中

其二

迴廊曲榭稱春游
綠酒紅花白玉甌
借取遊絲繫西日
晚風吾上海棠樓

要謝憲使南莊泛舟

柳塢荷塘野意寬
操舟曳杖獨遊難
春來欲製東山屐
倘許花樽共謝安

江上逢鄭南溟

楊子灣頭紅蓼秋
水邊樓閣樹邊舟
一日長風破萬

空同集
里爲君三醉過瓜洲

感述

白鼻騮

羽箭銀鞍白鼻騮春日徐行踏落花揚鞭突入章臺
去背指垂楊問酒家

少年行

漁陽突騎幽并兒彎弓射獵南山陲橫行未遂爲人
下意氣憑何結主知

春遊曲

騮馬銀鞍金市頭都門掣電落花流揚鞭笑指胡姬
肆轉拂垂楊向玉樓

其二

大道紅樓珠箔垂風起楊花欲暮時胡姬半醉半遮
面惱殺幽州遊冶兒

絕句

將軍鐵騎戰金微八月長安盡搗衣砧聲欲落三更
月翡翠樓頭鴈却飛

壽歌

沙溪三月杜蘭香錦浪千層碧玉光勝日賓筵開玳
瑁檻花飛入萬年觴

其二
門對黃山第幾峰翩翩白鶴舞青松玉童來授軒轅
訣素女邀乘赤色龍

松鶴壽歌

松裊石門千仞開天風吹鶴下瑤臺傳書爲問西王
母別後蟠桃熟幾迴

夷門十月歌

小麥青青水半陂半落不落楊柳枝回風忽送天南
鴈恰似春江二月時

黃河風雪詞

渺渺黃河風雪生雲愁海思不堪行陽春白雪非難
和公無渡河無限情

異景

異鄉異景客中身秋雨秋煙無那春梁園八月如三
月笑殺桃花更笑人

暮春余莊

暇卽來遊困卽眠玉林長醉彩雲前春風暮起楊花
亂疑是梁園雪裏天

潯陽歌

百尺高樓橫映江江花朵朵照成雙風波隔浦遙相

喚腸斷南來北去艤

汴中元夕五首

花燭沈沈動玉樓
月明春女大堤游
空中騎吹名王過
散落天聲滿汴州

其二

玉館朱城柳陌斜
宋京燈月散煙花
門外香車若流水
不知青鳥向誰家

其三

中山孺子倚新妝
鄭女燕姬獨擅場
齊唱憲王春樂府
金梁橋外月如霜

其四

四海煙花逢上元
中州行樂競千門
大江不辨魚龍戲
珊瑚寶玦是王孫

其五

細雨春燈夜色新
酒樓花市不勝春
和風欲動千門月
醉殺東西南北人

七夕

雲寂露涼叢蕙悲
意銜情恨隔年期
殘機夜歇金螢度
怨女啼春玉箸垂

獄雨

空同集
冷雨橫天八月來黑雲來往赤雲開潯陽李白何如
此宋玉悲秋未是哀

其二

雨打潮門流海煙隨風散落鳳城前愚臣獨抱枯魚
泣何日金鷄下九天

子集

卷之三十五 終

空同子集

卷之三十六

北郡李夢陽撰 東莞鄧雲霄歛潘之恒蒐校

詩類九之二 七言絕句

諸將八首

憶昔六首

京師春日漫興五首

牡丹五首

郊園步花二首

步庭中海棠下四首

詠庭中千瓣榴花三首

雪中見枯樹似梅二首

喜雨三首

夷門曲二首

新水至二首

狂風三首

河上

雜詠

親小兒吟詩戲作絕句

東園花樹下二首 登臺

聞桃花盛開

張池春日即事

漫興二首

錢園二絕句

城南別業

春日豫章雜詩十首

漫興二首

漁父

新買東莊賓友携酒往看十絕句

東園遣興再賦十絕句

痔不可車旬日乃造於東園春葩向殘夏英欲

起慨焉動於老懷再賦絕句十首

東園漫興之作

客有除我東園草者詩以止之

牡丹絕句二首

葡萄

除前五更聞習儀鼓角感而有作二首

右次感述一百七首

七言絕句二

感述

諸將八首

穆張亦是梟雄將膠柱談兵實可憐力屈殺身同一
地喪師辱國在今年

其二

諸將才猷豈盡奇大都力戰各乘時黃毛近怕莊游
擊黑面休誇李太師

其三

聞說當時掃地王威名朔漠陣堂堂自稱大將張旗
鼓首控驂騮出戰場

其四

但富黃金與白珠登壇擁衆鎮邊隅即使勉攀貂玉
貴終然不類將門趨

其五

國公承襲惟紈袴侯伯雖多大抵同舊典此中掄大
將平江英保是元戎

其六

紫塞長城萬古悲塹山還復見今時臊奴祗益輕專
制老耄何堪銳出師

其七

天下軍儲盡海頭材官郡國徧防秋若道成功無造
偽豈應屠賈坐封侯

其三

黃河青海入狼煙漢將胡兵殺氣連安得卽時尋魏
絳務農休甲報皇天

憶昔六首

已已蒙塵數郭登馳驅國難有楊弘如今豈乏熊羆
輩比較元非擊搏能

其二

北望黃雲想翠華千官徒跣哭清笳安危社稷惟司
馬天下車書又一家

其三

石亨善戰真無比跋扈飛揚却累身佩劍豈宜恩死
士拖金終要作誠臣

其四

王宏犯闕雖愚戇舍命臨危亦丈夫猶勝鬚眉爲婦
女更憐冠劍學兒徒

其五

吉祥寵幸反稱兵一夜達官塵滿城悖逆天誅終不
赦此曹王法更須明

其六

半夜飛章入鳳樓寇公流血李公憂爾曹作逆同蒿

草臣節江河萬古流

京師春日漫興五首

十日不出花盡開城南城北錦成堆卽教閉戶從花
盡莫遣看花不醉迴

其二

杏花盈盈太逞姿桃花灼灼亦不遲縱饒種露栽雲
地可奈風狂雨驟時

其三

東門百花紅照天獨樹梨花更可憐但看絃管朝朝
急不道春風不費錢

其四

今番花開委難當眼見稀疎葉欲長春光幾朝不一
醉爲問汝曹因底忙

其五

西湖湖上楊柳枝臨流嫋娜風更吹切防白雪漫天
舞莫放黃金拂地垂

牡丹

亂絮繁華春更煙一枝嫋嫋獨風前玉園忽漫無顏
色徐步看君却自憐

其二

空同集 五
若使姚黃無魏紫孰容傾國復傾城接枝一任今人
笑不墜花王萬古名

其三

莫道清平調獨狂牡丹元不與昭陽後來亦是先花
葉誰醉君王玉簪傍

其四

秦地洛陽俱寂寞圍開周國復天香童時及見流傳
譜萬意千心足斷腸

其五

漫山故國花無數客舍河頭今數株絕代色孤
掩丹葩綠葉錦心須

郊園步花

常苦出城花不開花開今日共風來亦知誰便渠能
主獨步徐看數十迴

其二

即使憐花何恁苦不如開落任風吹花開花落從渠
得柰記栽桃種柳時

步庭中海棠下

買宅兼花事亦希樹成春足主人歸花開已詫臙脂
透葉展還驚翡翠圍

其二
若較梨花憎太白縱多桃李葉全無何如翠袖紅粧
倚的的黃鬚錦瓣扶

其三
獨恨無香恐未真紛紛蜂蝶底相親俗傳定欲燒銀
燭絕代誰爲照睡人

其四
沈香亭上已多懽夢入昭陽月色寒若使天香亦傾
國君王應更倚闌干

詠庭中千瓣榴花

朱欄爾後花希賞日日東齋只因眠每易庭榴樹底
小一朝開亦照高天

其二
的的朱榴夏始成水簾水簾益分明偏枝不動宜雛
燕接葉時披稱小鶯

其三
萬瓣千鬚始一花纍纍應只爲年華春風無限傾城
夢結實誰真取世誇

雪中見枯樹似梅
憶在江南梅照眼幾年繁蕊失溪雲如何枯樹尋常

空同集
見一雪垂花朵朵分

其二

可向繁枝問假真紛紛過眼卽飄塵東風一夜高樓
遂亂落紅梅誰奈春

喜雨

破到榴花今日雨向來紅紫可憐吟蝶沾蜂濕徒增
忌杏綠梅黃亦苦心

其二

二麥臨河半欲黃一夜生長誰禁當揮鋤荷笠能辭
苦浪潑雲翻慮雨忙

其三

水缺沙乾燕只忙交交鶯羽閃無光今辰底恁穿楊
急拍拍銜泥向我堂

夷門曲

黃河岸頭多客船大堤小堤楊柳煙獨樹花開特造
次鄰家香醪不索錢

其二

南堤二月杏花紅北堤高樓紅映空珊瑚寶玦誰家
子繫馬門前青樹中

新水至

桃花照水楊柳長河水新添一尺強昨夜舳艫銜尾
至不是魚航是酒航

其二

時和驛邊河水流康王城近舍西頭青蘋滿眼汀洲
裏芳草連天無那愁

狂風

狂風吹柳裊裊長杏花落地如白霜後來好花開細
細昨朝風惡更難當

其二

來禽青杏不須猜一日一夜桃花開朝來春風休更
惡枝頭綠葉暗相催

其三

新築茅齋近北堂喜有楊柳千尺長不爭一朝風折
盡赤日炎天何處涼

河上

河上昨宵風勢惡狂花不敢更高飛農夫日望甘霖
至估客深愁逆浪歸

雜詠

春盡梁園花不稀隨風片片坐人衣丁寧百舌渾休
語遮莫林鶯且自飛

觀小兒吟詩戲作絕句
關中韋杜世稱豪王謝江東底更高蘭若翡翠空啾
唧蕭蕭雲鴻萬里毛

東園花樹下

夜來睡美春風顛朝望大梁花滿煙錢家東園好李
樹堪可鋪排無酒錢

其二

今年春色太無賴千樹萬樹花分明便學少年出去
馬更拋香彈打流鶯

登臺

梁孝臺前白杏花眼看風落散晴沙黃鸝恰恰誰爲
侶紫燕飛飛自作家

聞桃花盛開

不及東園紅杏時梨花懊惱太開遲卽防桃李紅欺
眼更打黃蜂莫近枝

張池春日卽事

東門野塘花樹紅昨日不風今日風倒着接離習池
上狂調生馬竹林中

漫興

白水蒼山萬里身詠花吟鳥百年人城門此路憐芳

草盃酒他鄉不是春

其二

楊柳春江對自流清沙白石伴誰遊弋人莫羨能鳴
鴈海叟虛疑不動鷗

錢園二絕句

去年錢南萬李樹落其今春只數枝多應斬伐貧人
賣豈復能思爛熳時

其二

塘東李樹太含胡院背天桃斬不枯及早榮枯休浪
擬趨時車馬自應趨

城南別業

傍塹沿堤二里餘柳墻茅屋此成居浣花便擬吾何
忝獨愧窮愁懶著書

春日豫章雜詩十首

東角樓東寒食日吾家海棠雙樹花忽憶花開吾在
此豫章寒食獨思家

其二

亂藥濃花今有無舊趨北闕憶西湖垂楊畫鷁金鞍
戲三月煙花滿上都

其三

每愛高樓畏獨來，非關勛力怕徘徊。
江頭無限桃花樹，恰到來時滿眼開。

其四

江花照水兩三枝，弄日吞煙是爾時。
不應春風與作意，掛斷低空百尺絲。

其五

東湖鷓鴣有幾歲，踏浪爭花何恁遊。
可憐汝輩異情性，拄杖獨看春岸頭。

其六

爛熳誰家臨路枝，留連蜂蝶過相疑。
行人莫羨渠渠主，落水沾塵會有時。

其七

江南春事殊懊惱，五雨十風常不晴。
今日天開聊一望，却憎花柳太分明。

其八

江北每嗔花不早，清明出郭始芳菲。
可道江西渾不冷，清明桃杏亦初飛。

其九

樹頭春鳥苦喧聒，欲打還留催好春。
院裏八哥何事者，羣翔緩步不知人。

其十

苦吟實是被花惱今日携壺何處傾
鳳凰洲前好楊柳弄日鳴舷遮莫行

漫興

城外清江城內湖水門通貫古名都
魚跳浪濶終難網鳥立沙長豈得呼

其二

久雨今晴燕得飛城中江畔步徐歸
煙花晚閣偏衝檻柳絮晴橋故點衣

漁父

應手扁舟去若飛回流撒網條成圍
金鱗翠鬣心俱切得意誰先蕩獎歸

新買東莊賓友携酒往看十絕句

芳園垂老慚爲主門巷開除卽是家
不知櫻樹春能早便把櫻花作杏花

其二

園芳細認紛無數太半朱英間碧林
塞盡弄枝惟恨晚對花誰記種花心

其三

年來好事推劉四酒興花情老獨濃
最喜能移山菜

空同集
三
莉所嗟猶欠木芙蓉

其四

黃鸝故囀千頭柳白蝶能穿百結花敢道墻榆渾不用新巢樹樹可慈鴉

其五

今春自買城東園暇卽郊行不憚煩不應對客誇林竹日日柴門有駐軒

其六

買地兼園已自饒來游况是百花朝細看却怪林筍迸檻穿籬只恁驕

其七

靜處亭亭竹萬竿弄煙濡露不曾寒多栽要識前人意秀色憑渠雪後看

其八

鮑子知我遠載酒鄭生騎驢獨踏春灞上孰如彭澤柳竹林休認草玄人

其九

邊村黃子先曾約百畝十年今卜鄰元是隱淪須共酒非因花樹始同春

其十

空同集

卷三十六

古

為花底恁朝朝出風日清和今古稀傳道鄭生重載
酒寄言花藥莫輕飛

東園遣興再賦十絕句

經宿隔城花盡開園扉深閉蝶應猜小車卽病行能
穩一日來看須一迴

其二

看花車幕迴轅西東望復徘徊黃昏蜂蝶休虛
開明日深枝花更開

其三

萬蕊千葩枉自奇海棠臨牖獨專姿今人盡仗繁枝
葉國色紛紛却未知

其四

百花叢裏一茅堂獨坐時傳百和香隔簾誰放游蜂
入撲酒衝葉特恁狂

其五

分行種樹非無意薤穢薔頰亦用情何事草蒿欺便
得芊芊滿地不知名

其六

舊種丁香間石榴花時榴葉未曾抽試看赤艷傾陽
日亂萼繁英何處求

其七

護徑扁園意自知百年今日是花謝
昨屬客過貪勸酒僮人背折兩三枝

其八

呼童刈草栽吾菊夾徑分行補種葵
怕認野人爲魯相旋刪修竹起東籬

其九

人生無求心自寬酒香花明身幸安
忘憂豈啻憑萱草蠲忿何勞問合懽

其十

園亦在東門外昨日清明手種瓜
不信邵平能五色吾園兼有武陵花

痔不可車旬日乃造於東園春葩向殘夏英
欲起慨焉動於老懷再賦絕句十首

鮑歸昨誇百結勝惜我病阻孤春妍豈謂今開兩荆
樹分枝的的照紅煙

其二

桃杏葉尖荷葉圓楊花亂撲如白綿
若言春事渾無曲榆莢何綠亦貫錢

其三

昨當春色散年芳競媚爭妍各擅場一出牡丹諸便
歌固知集是百花王

其四

檻西新笋不太甚一夜迸堦橫我簷汝雖天生剛直
物豈容出地頭頭尖

其五

吾園種種無樛木兩葛縈紆底自芳客到更無愁醉
酒醉時但臥此花傍

其六

情閒有時被物惱卽無志怒亦生喧顯來語燕如疑
至獨立鳴鳩不怕人

其七

爲園偏種閒花草我欲移松無處栽深山瑟瑟誰知
汝可惜凌雲聳壑材

其八

亦知盆沼非源水試放魚苗喜卽成敢說寸鱗無變
化煦花吹絮已橫行

其九

花時酒客圍花坐今日紅稀客不看卽使盛衰遵物
理何須反覆似波瀾

其十

萬竿美竹修修翠愛此朝朝坐竹中困酒實應慚阮
老揮絃聊竊比嵇公

東園漫興之作

大麥初黃小麥齊櫻桃半熟壓枝低先生阜帽何爲
者白首看花日每西

客有欲除我東園草者詩以止之

綠匝紅稀可柰春友車朋馬故應頻行邊莫便鋤閒
草但入林園仗主人

牡丹絕句

自知國色無倫比放徧羣花每後開獨艷不教霜雪
妬先春甘讓凍園梅

其二

看盡羣芳見此花後時莫湯爲渠嗟爭開若使先桃
李誰與春風殿歲華

葡萄

萬里西風過鴈時綠雲玄玉影參差酒醒試取冰丸
嚼不說天南有荔枝

除前五更聞習儀鼓角感而有作

蒼龍闕動朝元日玉笋班齊舞蹈時枕上忽傳心鼓

空同子集
角眼中如閃舊旌旗

其二

兩朝舊是含香吏豹隱俄驚二十年猶記習儀端笏
地朝天宮裏聽鳴鞭

空同子集

空同子集

卷之三十七

北郡李夢陽撰

東莞鄧雲霄欵潘之恒蒐校

詩類九之三 七言絕句

經行塞上二首

歸途覽詠古蹟并追記百泉遊事八首

望上清山二首

望龜峰

杜峰歌

舟次石頭口

登嘯臺二首

夏日閣宴

春日丘翁同遊三山之陂返酌天王寺二首

太平寺

山閣

麻姑泉

靈山

徐汭卽事四首

湖行二首

城南塘汎舟

春暮過洪園二首

右次游覽三十六首

景帝陵

望湖亭

功德寺

翠華巖

香山

右次集古句五首

白紵曲

秋風曲

端午曲二首

新立金川書院祠練公父子文碑幸成

右次雜詩五首

詩類十 七言排律

閏九月繁臺酬寄常鄧州前御史兄

酬何子冬日懷西峰見寄

道逢羆豹鷹狗進貢十韻

送胡主事犒廣西軍便道耒陽迎母二十韻

七夕邊馬二憲使許過繁臺別業不成輒用七

字句迷我志懷二十韻

五日蔡河廢津汎集

右次排律六首

詩類十一 六言

漫興六首

月夜泛湖二首

明山草亭

南康除夕

右次六言十首

詩類十二 雜言

三五七言二首

四六八言二首

右次雜言四首

七言絕句三

凡六十六首

游覽

經行塞上二首

山作垣籬海作池
鸞弓百萬羽林兒
桑乾化作銀河水
北極光芒夜夜垂

其二

天設居庸百二關
祈年更隔萬重山
不知誰放呼延入
昨日楊河大戰還

歸途覽詠古蹟并追記百泉遊事

太行王屋是天關
吐出風雲天地間
河內休誇盤谷勝
共城亦有石門山

其二

華山中斷濁河開浪打雷門勢莫迴已剷潼關爲漢
壘更分仙掌作秦臺

其三

雷首千峰錦削成蛇盤千里翠雲生卽從北岳分胡
去便壓遼陽跨海行

其四

西山西望自堪愁耐可源泉向北流不見玉臺歌舞
處可憐昔日帝王州

其五

昔日武王東閱師龍爭虎鬪至今悲原血化爲商池
水白雲翻作孟津旗

其六

淇門不減越江頭衛女寧論越女游濮上春花如錦
繡桑中五月採蓮舟

其七

河濟誰言不共流青春惡浪古懷州蕩搖少室三花
樹倒映天壇白石樓

其八

裊裊丹崖倒碧松懸泉一道挂飛龍閑磨石鏡驚山
鳥映出青天對雪峰

望上清山

赤城龍虎紫雲盤白石樓臺北斗壇聞道仙床啼玉
女欲從何處問金丹

其二

碧山新起赤霞宮玉帶真人曉御風金檢奏回天一
笑九霄來往鶴如虹

其三

星妃雲君雲霧鬢何事塵遊棲碧山昨夜昇天朝北
斗珮環清響落人間

望龜峰

曾會汪家賢弟兄三年獨見忽心驚順風斜日飛帆
度三十六峯無限情

杜峯歌

杜山曾有鳳來鳴鳳舞山青海月明傳道有人向峰
去九天風散玉簫聲

舟次石頭口

窓開面面水風微五月江空冷照衣此艇果如天上
坐茶煙化作綵雲飛

登嘯臺

陽翟看山二月迴蓬池登嘯九天開晚立長風搖海

空同集
色東西日月照孤臺

其二

萬古春城碧草還蒼臺只在白雲間竹林北望風煙動寂寞蘇門更見山

其三

白日紅雲拂地流醉鄉吾亦步兵遊登臺左盼黃河轉綠水洪波不盡愁

夏日閣宴

地曠樓雄夏日宜碧梯芳樹繞花遲清歌不用邀明月一笑山河入酒卮

春日丘翁同遊三山之陂返酌天王寺

崔嵬艮岳他年笑寂寞三山後代思湖色春光淨滿眼古城風暮幾人悲

其二

一樹穠花白雪繁紛紛落地竟何言眼底風光不須恨相期且醉給孤園

太平寺

曾在東林思虎溪太平徒在玉淵西孰能勛力長攀陟石壑長林日易低

山閣

憑闌橘樹渾鋪地閣背青山前對樓旣來誰耐簷泉
聒卸却長槽莫放流

麻姑泉

何泉下山城下流溪上十家九酒樓老夫縱醒欲何
往此物名高十二州

靈山

實欲看山霧不開幾層仙掌似蓮臺未應華岳君能
比可詫予因望國來

徐汭卽事

窪頭江水又江頭扶柁拋綸雨不休鎖屑漫相尋
手蛟龍局淺豈渠遊

其二

桃花潭前雪弄姿楊柳灘頭柳不遲着心蝦蟇章江
出章江只解產鸕鷀

其三

北船阻風晴未放數舸南來却恁飛扶柁長年頻着
眼浪翻江又趙家圍

其四

忽吟水宿淹晨暮七日窪頭行路難拚弄碧波消北
雪豈徐蒼鬢且南冠

湖行

湖雨鷗懼交鷺鷥鳴柳漁子拳鷓鴣逢潭更見孤曾
守可道鄱魚無盡時

其二

白雪今晨亂碧波禿鷺風趕逐天鵝搶帆額及誰家
舸逆浪爭先爾謂何

城南塘汎舟

短短桃花亦自春隔墻飛水太驚人
泔洞不怕漁郎入小小溪塘不是津

其二

野曠風驚強入舟浪威轉堪遊持杯只對雙楊
樹怪爾飛花汎汎流

春暮過洪園

峩冠白首戀金魚甲冑紅顏水竹居墻上久懸平虜
劒牀頭新置種桃書

其二

出林春笋故當門榆莢楊花亂撲樽客到剪蔬聊作
饌近城栽柳自成村

集古句

景帝陵

北極朝廷終不改崩年亦在永安宮雲車一去無消息古木回巖樓閣風

望湖亭

與客携壺上翠微千家山郭靜朝暉平沙渺渺來人遠黃鳥時兼白鳥飛

功德寺

憶昔霓旌下南苑江亭晚色淨年芳重門深鎖無人到僧在翠微開竹房

翠華嚴

曉行不厭湖上山別有天地非人間安得移家此中老白雲常在水潺潺

香山

二月已破三月來山下碧桃春自開半醒半醉遊三日並馬今朝未擬回

雜詩

白紵曲

吳中女兒白紵衣薄暮橫塘蕩槳歸荷花港裏無人見驚起鷓鴣隊隊飛

秋風曲

嫋嫋秋風生淥波菱角雞頭滿御河藻間游魚不知

數荷上靈龜渾未多

端午曲二首

殿門朝涼虛穀垂菖蒲艾葉青離離千尺輓轡轉金
井冰盤薦黍鴛鴦冷

其二

綵繩纍纍作端午石青蜥蜴泥金虎老奴催恩拜紈
扇香紗籠頭半遮面

新立金川書院祠練公父子文碑幸成

力修書院緣棲主碑石新成頗慰心薄劣實慚文太
減特書應不待如今

七言排律

閏九月繁臺酬寄常鄧州前御史兄

昨屬傳書寬遠憶側聞爲郡解憂襟他鄉病起逢秋
色故國花香見客心三徑園莊常閨寂百年臺榭獨
登臨天晴水散荆襄急雲合山包汝鄧深州縣黃堂
非爾輩朝廷驄馬要人欽也知皂蓋能罷軾不換烏
臺獬豸簪盡道白公如白玉終然黃霸錫黃金徵卿
拜相他年事野老扶犁望傅霖

酬何子冬日懷函峰見寄

梁城積滯心煩婪遙憶西峰懷漢南絕頂營居只自

住緣嵯捫葛與誰參北岡雪風虛多阻南澗湍回今
有潭更極扶桑長影接已偏弱水碧波涵猿啼虎嘯
雖頗聒窈曲叢篁非可探轉盼紅輪忽西沒勸君福
地且投簪

道逢羆豹鷹狗進貢十韻

赤豹黃羆貢上方虞羅致爾自何鄉微軀亦被雕籠
縛遠視猶聞寶絡香顯晦山林齊感激喧呼道路有
輝光名鷹側目思翻掣細犬搔毛欲奮揚隨侍近收
擎鶻校上林新起戲盧坊攫兔定蒙天一笑磔狐應
使地難藏貢官馳馬塵埋面驛吏遭筭淚滿眶南海

亦曾收翡翠西戎先已効羚羊白狼也產從遐域白
雉猶勞獻越裳聖德從來及禽獸欲將恩渥示要荒
送胡主事犒廣西軍便道耒陽迎母二十韻

七年重泛楚江舲五兩飄飄過洞庭諭蜀長卿元建
節平佗陸賈亦談經地從湘口分吳徼邑在衡陽對
軫星此去先過杜陵院與誰同上合江亭炎花瘴草
供行目猿唱夷歌引客聽鼯鼠晝啼諸峒黑野猩睛
語亂峰青蠻荆本自勤周旅南越終當繫漢庭荔浦
技窮甘釜益梧川兵接詫雷霆威餘虎豹藜難采血
蹂鯨鯢水尚腥俄喜御書頒內帑極知恩澤到重溟

兔臨烏照誰非土陰慘陽舒各有靈巢屋羽毛春拍
拍洗天風雨晝冥冥花明幕府頻張宴路出磨崖早
續銘馬援還朝銷薏苡馮驩傲世倚青萍蒼蒼百粵
悲南狩渺渺三湘弔獨醒夢渚鴈回書不滯武陵雲
起思俱停悲傷蕙草追金勒點綴桃花惜玉瓶若道
朱絃無絕響詎應黃髮有遺刑司徒邦計遙憐汝粉
署爐香不可扃綵服便須隨綵鷁白頭同離白蘋汀
七夕邊馬二憲使許過繁臺別業不成輒用

七字句述我志懷二十韻

顛遊因病困蒙茸不獨炎天萬事慵七夕邀行齊躡
躡兩人羈絆阻迎逢大河平地濤長湧喬岳清秋霧
不封次第榮途俱懈豸迂疎故國且芙蓉壯夫激烈
悲遲暮執友團圞喜去冬久避鳶肩優諫諍亟推經
筭貫中庸繁臺禹廟梁王榭古寺殘碑宋代松吾企
杜高名不及汝追枚馬涕何從虛疑豪俠輕朱亥實
被文章誤蔡邕憤起鐵椎心枉費曲終焦尾意還濃
不爭期約慚牛女恐使流傳笑駉豷末俗但知張市
虎異時誰切辨衣蜂云吁世路聊三徑敢說天門尚
九重寵豈盡軒衛國鶴畫宜偏駭葉公龍菟園卜築
隣猿島茅屋昏晨接梵鐘修竹鴈池雖慘慘水花雲

葉固溶溶悔將朱紱拋
漁艇誓住丹丘學老農爲底
回鷗孤蟋蟀徒思臨沼共
鯽鱖踟躕莫畏風沙眯
咄應愁輦路衝許過只須圖
酪酏有談母遽及徽宗

五日蔡河廢津汎集

當年錦纜帝王州此日荒津競渡遊
賓客未銷梁苑氣江山聊寫汨羅愁
流金赤日偏輸浪似蓋輕雲故翼舟
漁聽歌鐘沈復躍燕窺舞袖去還留
調冰雪藕佳人並斷艾分蒲上客酬
出溜只疑天上轉沂泗真在鏡中浮
陰陰暝色鳧鷖哢嫋嫋風香杜若洲
醉裏驚聞催住棹別船追進夕筵羞

六言

漫興六首

北叟臨門種棘南翁過路鉤衣
楚楚纖鱗不躍英英鷺翮雲飛

其二

鸚鵡窺籠百遍獼猴上樹千迴
紫燕銜泥入室黃麋齧草登臺

其三

西海崑丘閭苑仙人王子安
期春至曙桃艷艷秋來弱水瀾瀾

其四

黃帝濟遊化國虞皇穆拱玄宮殷主爰消雒雉文王
載夢非熊

其五

種豆南山一頃朝來豐草離離豈若藍田種玉何如
商嶺餐芝

其六

圃口翻翻瓠葉門前滴滴流湍鷺輕輕不下鵝鴻
冉冉高搏

月夜泛湖二首

水天上下一色禪鳴波月同翻漁舟欵乃何處旁山
杳冥吐吞

其二

月鷺驚飛不見遙看片帆影來雙槳如飛蕩去一道
流光鏡開

明山草亭

舊業門前五柳綠橘黃柑數畝煙霞不負閒身社稷
空餘白首看月天柱峰頭採藥洞庭湖口扁舟薄暮
歸來疑是滄波釣叟

南康除夕

夕陽山色湖波將春夜寂風和何事隣姬獨哭誰家
金鼓時過客舍蕭蕭酒燭歸人杳杳關河覽鏡顏容
尚在方言兒女能歌

雜言

三五七言二首

天秋暮月如素金窓隔煙紗花檻流螢度良人遠戍
玉門西誰念空閨玉箸啼

其二

望雲海陟高京秋風令百物天地何冥冥黃河岸頭
能覆車何況羊腸詰曲行

四六八言二首

玉塔風發蕙花時歇莎雞夜鳴衰草捲簾獨望秋丹
黃雲沒萬里之關山使妾空老而凋紅顏

其二

明月在隅蟬蛄夜鳴仰觀天上列星三三五五成行
僚慄悽今不可以寐嗟哉四時之氣靡常

壬寅仲秋歸隆喬閱梓

空同子集

卷之三十七終

潘之恒箋曰夫文何常之有易曰擬議以成其變化又曰神而明之存乎人故變極則文成苟務相沿襲如架屋宇下者即巧非變對鏡取像者雖肖不神於擬議無當也先生旗諳直而不俚跡議諍而不誹志銘持大而無狗情居然良史才也他如序務幽遠之致傳崇閣暢之格雜文渙以縟彩書牘踈而宛萬外篇洎詩評雖涉淺蕪而鑿有真見總之

樸者未散渾者未澆其斯為神變之效歟後
 有作者寫必備景狀必盡情以摭拾為工以
 不遺為贍不知畫家疎密有則兵家掾縱有
 鉤未可與謏劣論也常試論曰歷下有其質
 而泥於中弇州有其才而汎於法洪中有其
 法而老於權者神化之所宗也故諸公非
 無偏長未堪並駕不肖何敢遠舍先生而私
 可欣子耶
 吳人文謙光書并校

空同子集

卷之三十八

北郡李夢陽撰

東莞鄧雲霄歛潘之恒蒐校

文類一 族譜

例義第一

世系第二

家傳第三

大傳第四

外傳第五

譜序第六

右次族譜六篇

族譜

例義

李夢陽曰往君子謂予曰歐氏譜蓋有遠胄之謬然

歐蘇譜又率詳其所自出乃益知不可矣
夫名實者不可以亡紀也子孫而不錄其先人是悖
亂之行也夫李氏於吾乃亦可譜也已于是作李氏
族譜

夫李氏莫知所從來矣傷哉或問何故曰二孤方斃
而貞義公及于難

夫李氏四世有三宗焉我曾即我始我祖繼之宗者
孟春乎繼別釗乎繼禰孟和乎

予聞之先輩曰國有史家有譜嗟乎生死出處之際
大矣要之不離其事實不然後世何觀焉今人多不
務實予欲觀者彷彿其咳貌故不暇忌細小

或問譜至兄弟行而止李夢陽曰夫是後予安能知
焉

世系

諱恩 子諱忠 子剛 子麟無嗣

慶 子孟春

諱正 子孟和

夢陽

孟章無嗣

敬 子璡 子釗

瑄無嗣

家傳

號貞義公者諱恩始徙慶陽是謂慶陽李氏卒以衣冠葬道士平配王氏生二男子生卒年並闕

號處士公者諱忠貞義公子洪武二十八年正月二十一日生正統十二年八月二十九日卒年五十三歲葬東嶽廟前娶李氏生三男子二女子

敬貞義公第二子而號軍漢公年八十餘卒葬于底不河南山地曰范家峪去城二十里所娶鄆氏范氏

生二男子一女子生卒缺

剛字克剛處士公子號主文公洪熙元年十二月十三日生成化四年六月二十九日卒年四十二歲葬東嶽廟南娶王氏生一男子

慶處士公第二子號陰陽公娶劉氏生一男子生卒年並闕

號吏隱公者諱正字惟中處士公第三子為阜平縣學訓導陞周府封丘王教授卒贈承德郎戶部山東司主事加贈奉直大夫戶部貴州司員外郎以正統四年十二月二十二日酉時生弘治八年五月十六日巳時卒年五十七歲葬城南十里所地曰高家平

娶高氏生三男子三女子

璉軍漢公子年二十九歲卒葬于范家峪墓娶馮氏
生一男子 生卒缺

瑄軍漢公第二子為散官景泰二年十二月二十八
日生娶范氏

麟主文公子娶劉氏無子 生卒年並缺

孟春陰陽公子成化六年正月二日生娶王氏

孟和吏隱公子字子育為散官初名茂天順五年十
二月十日亥時生娶孟氏

夢陽吏隱公第二子初名萃娶左氏

孟章吏隱公第三子字汝含成化十七年十月十三
日午時生弘治十二年十一月二十日子時卒年十
九歲葬扶溝縣東北四十里地曰大岡大岡者丑氏
居也娶宋氏生一女子

釗璉子成化四年十月十日生娶劉氏

大傳

李夢陽曰予長而有知矣于是始采先世之載
仰天而哭之曰逝哉寥乎是予之罪也夫是予
之罪也夫祀宋之事孔子蓋傷之焉于是作李
氏大傳

傳曰號貞義公者不知何里人也而贅于扶溝人王聚王聚以洪武三年歸軍於蒲州已又自蒲州徙慶陽於是貞義公從如慶陽乃王聚不欲盡徙于慶陽而以其弟王三公守扶溝而世居扶溝大岡北兵之起也貞義公戰于白溝河死於是公有二男子纔數歲會又失母故不述其父聞之父老曰貞義公益長者也然卒不免於難云貞義公二子其後皆冒王氏以贅故是時又塚陽氏田氏爲一戶而一戶四氏然予聞白溝河之役于時糧道絕人煮馬革食及啖騾馬溺已又盡殺其騾馬食之又人相食積屍益若山丘焉慶陽衛有曰王指揮者統治其軍時亦死之

往先君謂夢陽曰貞義公沒時處士小益八歲云是時毋氏改爲它氏室而公乃因不之它氏食零零俸俸往來邠寧間學賈爲小賈能自活乃後十餘歲而至中賈云寧州有李媪者竊矚公異之迺因妻以女而公卽不知爲同姓聞之長老曰處士公任俠有氣人也卽少時而好解推衣食食人于是閭里人皆多處士公處士公顧愈謹治生日厚富有貲郡中人均用貲無問識不識皆與貲於是郡中人亦無不多處士公處士公載鹽過閭里與閭里鬥鹽及載菜卽

又與閭里菜卒歲散鹽菜數十車於是閭里率歲不復購鹽菜而俗謂善人爲佛處士又治佛因號曰佛王忠於是佛王忠之名蓋郡中矣長老曰處士之死則以田氏予退而問先君先君揮涕曰往田氏爲仇家者殺處士怒赴愬行于是仇家大懼乃使郡中諸豪長來行百金間不解而仇家故大有財勢可使官及處士赴愬至官置不理反久繫處士於是處士益發憤怒病且死仰天呼曰天乎予何罪竟死獄中是時無問識不識咸切齒仇家故長老至今語曰訟事無天蓋傷處士云爾然予聞處士葬時有地里家張生指其地曰此必有後豈不謂天道哉

軍漢公則嗜酒不治生好擊鷄走馬試劍卽大仇醉之酒輒解顧反厚年八十餘竟無疾卒

主文公處士公子諱剛稱王剛爲衛主文公好氣任俠有父風處士公不喜厚富蓄會暴卒出穀錢家又多不還以故日寢食至家徒四壁立於是人竊笑李氏主文公於是痛哭往來里門罵竊笑李氏者曰若真以李氏無人耶罵且行卒無應者而止則撫二弟背哭曰若卽一不樹立我不能爲若兄主文公嘗以事至京師有羨貲迺盡買學士家言并曆數家歸訓其

二弟二弟卒各擅其業主文公頰面鬚髯然爲人強力使氣常勒里中子弟主辦事子弟毋敢後里中置酒有主文公主文公不至毋敢先飲敬憚矣而軍漢公在軍中乃私券我產給其直酒之人卽持券來收我產主文公怒不言第礪科刃然色常在持券人持券人覺之走主文公乃憮然曰哈此奴走矣已復大罵跳伏地死券者乃大懼呼天曰天天寧主文生不願得屋直頃之主文蘇券者乃卒不敢復言直矣主文公夜出龍泉道見巨人長數丈以疾卒

曰慶者處士公次子也精地理陰陽家號王陰陽陰陽公更嗜酒王氏軍故戍花馬池營陰陽公代往戍至以數千其將將用之一日寇至將問陰陽公計安出陰陽公曰某時戰勝將曰有何應對曰行三里當見紅婦人應頃之驗戰果勝將大說于是尊敬陰陽公以爲上客而使其盡監軍中馬馬軍率日持雞酒啖陰陽公陰陰公則日弄酒狎侮諸吏士奴僇之諸吏士不堪也乃於是盛惡陰陽公于其將將後亦頗踈之陰陽公卽又嫚罵將把其短將懼逐之還陰陽公乃於是遨遊郡山岩中爲相埋然數竒中埋家廉其性但具醇酒更不索錢也過它陰陽埋所卽未善

公熟視之曰凶乎問其家凶矣它陰陽又重錢自是郡山砦中不復請他陰陽他陰陽皆窮餓不得行因謀擊殺陰陽公投川窟中頃之陰陽公蘇稍聞窟上語而不知擊已者乃呼曰救我救我窟上人更復擊遂死陰陽公卒頃之水暴至失其葬處

嗚呼我李冒王氏者蓋三世矣至我先大夫而始復李氏云先大夫處士公子而號吏隱公吏隱公年九歲喪父而依於伯氏伯氏教之則嚴也十二三歲時伯氏傭書造里籍乃伯氏不自書顧令吏隱公書吏隱公即善造書伯氏乃大喜奇之顧反嚴吏隱公訛

一字伯氏一朴其掌久之掌墳赤公啼泣里父老見之為蘇蘇隕涕曰夫紙易得耳奈何至是伯氏乃竊仰歎曰嗟乎吾寧為紙惜耶乃後故稱善書者咸出吏隱公下吏隱公少貧賤徒肫肫有至性重厚寡事辭十八九歲時從伯氏往見邵道人道人者異人也不言見公第信兩手指指出耳上初不解久之伯氏悟曰謂紗帽翅耶道人頷然之伯氏益又喜於是始議學事矣吏隱公年二十充郡學生始受籍於師日誦百千過不成誦於是諸後生咸目笑公公第誦愈益苦居歲餘夢登危樓遇織錦婦於是織錦婦以色

絲金鐵寶鏡貽公而公自是輒彬彬有文學矣然又獨數奇夢比試諸後生卽不復記所誦吏隱公顧記所誦文又高故常冠諸生吏隱公嘗夢試日驗比試諸生輒叩公曰何夢卽未夢公戲謂曰某日某日輒又驗諸生以爲神郡學歲一人貢然二人行梁生貢公次當行梁生稔公文高懼與偕因要公置酒奉百金壽因辟席頓首請欲自行公許諾卻其金不受人曰甚哉李君之慙也垂成而棄厥功公聞之仰天歎曰嗟乎是安知予哉卒讓梁生行明年吏隱公貢次者王生王生者公師也卽亦置酒要如梁生公又卒讓王生又踰年公迺始貢是時年三十五矣是年爲阜平縣學訓導公爲訓導三月而提學御史閻禹錫至真定牒屬各以其徒來赴集先是御史至真定率牒屬來赴集阜平生集則率曳翁鞋人挾煙熏帙踉蹌行見御史及見御史輒又自請試目卽不從則相顧脫藍衫走御史迺顧追呼曰秀才聽試目如若所自請目而公之赴真定也戒諸生毋仍曳翁鞋毋人挾煙熏帙帙會割以板夾扛之行又戒毋輒自請試目稍井井矣而御史禹錫始至而弗省也尚怒而督責諸學吏於是吏隱公退而上書陳教化變易之事

其畧曰夫明者知往者也時者俟至者也故曰違時者不明疆勢者不行故拂是以樹信則虐而鮮功昔者武王克殷殷餘民弗賓也而武王舍之然武王不以其故貶王周公纘武王無競之烈使二叔監殷而二叔以殷畔然周公不以其故損明故曰王者必世而後仁見小利則大事不成夫阜平恒山之陋邑也地有粟橡棗柿之饒其人山居草處衣鹿豕皮蒯履布襪挾桑弧毒矢日出射猛獸狐兔餽糜而給朝夕夫前代不復聞已自國家興百有餘年于茲然而科第之事罕焉竊未聞有尊官顯人者產于其間也此天下之所共笑也今足下足跡未涉其境乃思以一日變易其俗望之以詩書禮樂之事其亦不爲善變者矣且足下信賢聖然不能過武王周公某誠善教必不能以三月之久而遂變百年之俗今夫隴山有鳥其名曰鷓鴣孰不謂其能人語也然不籠縶之不宛轉相道假以年歲鳥解有能語者焉故籠縶之以制性也宛轉相道以發明也假以年歲俟其變也夫三者備矣然後可以責効而議功今徒見其朱喙而綠裳也乃輒怒曰鳥奚不人語也是惡可哉御史馬錫覽書乃遂不復督責諸學吏顧獨禮貌公公在阜平

五年以母喪歸起爲封丘王教授王故機辯人也公侍王執重訥人曰若是必輕於王公笑曰是不善事王者也顧益謹王一日設醇酒大醉公起而伺屏後令左右乃遞難公公悛悛如在王前於是扶公出尾之行公竟無他語然已齁齁睡矣王喜遇反厚王有問公吐心對酒公公輒醉醉悛悛如前時王於是益復喜尊敬之嘗自脫其貂帽及綺麗衣錫公每事必曰李先生李先生云見禮如此一日王醉握繫帶謂公曰予比殊好闊帶公方醉第免冠觸地賀王王益目是省矣公在王門十三年沈晦于酒然時人莫識

也公酒酣嘗擊缶歌曰人欲爲貪吏貪吏殃及子孫人欲爲廉吏廉吏窮餓不得行我今旣不爲貪吏又何可稱廉吏王門之下可以全身避世於是乃自稱吏隱公云吏隱公方面鬚髯腹便便垂然爲人德厚鮮矜伐人矜伐公屏負壁立終不言又不較長短故無大小愚智咸亦尊敬公公醉自外來兒女走扶牽裳行公婆娑舞歌至若火盜事家人卒違擾公方宴坐睡鼻齁齁如雷已不更問也此其度量可與淺見寡聞者道邪然予又聞公至向學往貧窶時受詩于合水韓公嘗大雪公單衣曳破履行嘗夜行歸雪甚

廬蕭然無煙也禮曰傷哉貧也今子孫豐衣足食日
鞭笞不務學豈復念先世哉公之卒也則以吾母高
夫人往高夫人卒喪過大梁公請於王行無何道病
輿行抵慶陽舍輿教寺頃之卒王聞訃痛踊泣數行
下使使來賻且會葬此其克厥始終者故載

曰筵者軍漢公子善機詐把持人一日大寒軍漢公
子從環縣來以啖冷羊肉又飲冷酒臥地上致疾卒
李夢陽有弟曰孟章小字曰周張周張生十三歲而
喪母居無何又喪父依於伯氏仲氏頃之病竟卒李
子嘆曰弟之死蓋傷予心焉弟生而當成化辛丑其

時吾家有吉慶事大置酒會其日周知府茂張指揮
使瑛以羊酒來賀此兩人至而吾弟產故曰周張秦
俗呼絕乳子爲老生子故弟又呼老生子云弟生而
巨口高顴骨隆隆起髮際名爲伏犀七八歲時猶啖
乳有氣力然矯捷善戲善打球綴幡騎竹馬羣兒莫
先也弟又好舔竿擊撲蟬打蜻蜓又放風鳶父母以
其有奇氣時時折辱之不可下迺後父母歿弟因而
省悟始折節誦書史日記二千餘言其後弟頗好與
黃冠人遊其伯氏見其日與黃冠人遊怒罵之曰夫
吾家業詩書世有顯名焉今傳汝汝柰何弗省弟知

伯氏弗已悅也於是間說之曰夫人生日劬劬勩勩何爲者與是非爲名與利哉夫參我者戕我者也軒冕者桎梏我者也今釋養生之道不務乃日劬劬勩勩與利名爭是亦益速自戕爾長老有言曰上牀脫屣不知生死言且暮難保也夫神仙黃白之事天下之至妙也弗汨爾之形不挫爾之精取之自盈而與事無爭是大道之程也夫儒生薄此而不爲者徒以芻豢可以厚生而軒冕可以耀名也夫芻豢軒冕是不可必得者也乃今汨汨以死効此非天下之大愚與伯氏曰夫子日見芻豢軒冕是者于道路也而不聞

有見仙者也夫仙庸其有乎弟對曰不然夫雞有翅飛不越尋丈何者其分卑也故飄飄遺世以獨立者上仙之分也今吾非不能力致富若貴乃亦醜其與雞鴨等伍已矣伯氏不能奪其說迺問曰夫黃白之事亦可爲乎弟對曰可穹隆三足納永貫藥煮之桑木之火厥候不爽而大藥可成也大藥成可以爲黃金黃金成而可以爲長生伯氏於是積桑木之薪購永求藥置鼎於前乃令弟爲黃白之事弟爲之踰月而藥不就於是伯氏以爲賣已乃大怒將笞之弟恐於是棄其妻奔京師而以仲氏會仲氏如通州弟

從如通州仲氏覘弟有異材於是教之以先生禮樂
與仁義道德之說弟迺幡然改悟而著論以自解其
畧曰夫神仙者天地之大盜也夫人有君臣父子夫
婦兄弟者非以立爭也將以禁淫而範邪也今神仙
棄君臣父子夫婦兄弟之倫不務迺日思高翔遠舉
以遺世絕粒此滅生之道也夫束手而不務滋殖而
變幻金鐵欺世以盜利此導民爲奸者也是故先王
之制禮也朝饗夕飧以防踰也春耕而夏耨以教勤
也故教義立而民不惰夫君子之立於人朝也非以
芻豢足以悅口而軒冕足以華體也故曰治人者食
於人故芻豢軒冕者報功者也今一槩以爲戕我則
必盡除天下君臣父子之倫而後可是豈人情也哉
弟於是不復再言神仙黃白之事顧嚶嚶然曰夫六
經者則譬之鳥也諸子百家者羽翼也予盡讀諸子
百氏以探知六經之紀然後約於道然是時弟已病
不能行也弟爲兒時業自言火蒸蒸自丹田起衝腦
眩迺後恒病熱卒死彼諺有之曰入田觀稼從小看
大言有兆必先也由是言之弟之談說僊術其亦弗
祥也已矣弟病革時其妻抱女適自梁中來弟屏之
弗與語顧惟與仲氏語比卒氣充充不竭第索火瓦

熨兩足已而曰冷過膝已乃出左右手令仲氏診而
絕此弘治庚申冬事也噫傷哉傷哉李子曰死生之
際可以觀人矣弟年十九而能不死于女婦手此可
以觀弟

贊曰桓桓鼻祖爰義爰武膏血草野我祖蹶厥家若
厥土爲山金出於沙凋急振窮視如泥沙翹仇殞躬
寃乎寃乎爲善罔獲大母秉貞蹈仁艱關育孤固窮
安節李氏之孟陶乎伯氏憤震中葉再振二弟不懼
於天孤胡絕不祐仲驕矜能載殞厥身亦卒不信我
父砥行茹毒允基允耀而弗祿弗考於惟母氏艱貞
起厥家佐夫敬姑長我六雛躬瘁形竭不膏不沐今
子孫茹甘策肥服利食德矣孰知所從來卽論諸家
世享不逮寃已汝舍之英發先世之遺烈乎苗而不
秀又何故矣

外傳

王氏貞義公扶溝王聚女改適

李氏處士公寧州李媪女諱曰綿是曰李夫人李夫
人訥訥寡言好顧喜坐竟日請飲食則飲食生洪武
三十三年二月二十六日卒成化十五年十一月十
三日年八十一歲寡節益三十三年云墓在底不河

北山與十五里堡直而稍西

鄆氏范氏並軍漢公並葬范家峪墓

生卒

王氏主文公葬西河岸岸崩今無冢

生卒

劉氏陰陽公葬赤城廟旁

生卒

高氏吏隱公諱曰慧贈安人又贈宜人是曰高夫人

高夫人赤城高家女父曰高成母曰劉媪劉媪故居

小十字街生夫人生六月初我大父有養女即高族

女曰朝華將贅壻大置酒會有劉媪劉媪抱夫人往

我大父見之大驚曰安得此福女闊面大耳者因求

劉媪聘吾父及期吾家貧乃徒以酒肉往請期劉媪

怒數破酒擲肉不得請久之或說劉媪曰而女終不

聘乎劉媪悟於是乃具粧奩送夫人歸夫人歸居無

何貧愈甚夫人無怨言乃獨曰此天也先大夫出務

學夫人則鬻賣雞豕及酒醋佐先大夫學及時時負

薪水行人見之率憐苦夫人夫人弗苦也然夫人性

至嚴重好鞭笞僕奴雖家人嗃嗃而蒸蒸無間言貴

有婦矣然猶日視米鹽零碎物及酒食與雞馬食即

與雞馬食不肯妄用粟至見哀憐人則咨咨不已周

濟之此雖其小細可以觀大德焉夫人生正統五年

五月二十五日子時卒弘治六年八月二十九日已

時年五十四歲祔葬高家平臺卒後數年而有 封

錫之命

馮氏璉改適

范氏名葱瑄景泰六年九月九日生

劉氏麟改適

王氏孟春成化十年正月二十一日生

孟氏孟和阜平人天順七年二月五日生

左氏夢陽

朱氏孟章改適

海處士公女適任昌

曰喜處士公第二女適黃景

曰智軍漢公女適張某

曰香吏隱公女適曹經

曰真吏隱公第二女適王壘

曰三姐吏隱公第三女生成化六年七月十五日卒

成化二十三年正月十五日年十八歲葬于關封府

東門東門者宋門也

譜序

李夢陽曰夫君子述事必有所由從於是作例

義第一譜以明世于是作世系第二夫承短行

窮異數於是列名諱生死之紀作家傳第三然死者要用其本末于是作大傳第四予觀記有外戚焉家國一道于是作外傳第五然必列序本旨于是作譜序第六

按氏族李氏肇自帝顓頊顓頊有曾孫曰咎繇爲理官因姓理氏咎繇裔孫有曰理利貞者逃難伊侯之墟食木子於是更姓李氏其後枝葉布散徧中國至周則有藏室史曰李伯陽或曰伯陽母居李樹下生伯陽伯陽生而能言指李樹曰此爲我姓故姓李名耳此其言不足據至漢則有隴西趙城之李最顯著

諸李莫敢稱並隴西之後生唐高祖是後枝葉愈繁布徧天下然無專著姓如隴西趙城者迺後不知何自有貞義公貞義公有曾孫曰夢陽

李夢陽讀詩至伐木行葦諸詩未嘗不廢書而流涕也曰厚哉先王之于人也夫建利以定義品制行矣九族有章五服經矣踈踈而親親冠履旣著等威異矣于是乎有燕享之禮會聚之節有周恤慶唁之文是故易曰天與火同人君子以類族辨物由此觀之同異著矣嗟乎非先王孰能爲此哉今世俗廢此不講人私其所幸好心志乖僻無據忌忮滋起其極也

至父子不相容婦姑反脣而相稽甚者乃兄弟以兵相屠擊矣當是之時人心如豺虎據食則露斷相狠惡有思其類者乎故曰專利者無親亡義罔上則民不附信哉是言也漢唐而下縉紳學士有意於合族者不尠然要之出于躬親爲當故萬石君木訥人也不言而躬行故其教不嚴而治不肅而成此豈聲音笑貌者耶今人多務名好侈大家世無慘痛惻怛之實及若郭崇韜拜他人墓爲祖即使有合族之志體先王燕享之文制爲飲食會聚使其相周卹慶唁其子孫能盡遵不邪且崇韜以爲王侯將相果有種乎

予爲是懼今譜傳第采其事實欲子孫知先世起家之難使知孝敬之本艱貞振厲之操與勤儉之原然李廣至德厚得士大夫心此與萬石君何殊及孫陵降匈奴自是李氏名敗而隴西之士遂耻居門下此豈垂統者之過哉鄙人之言曰何論根株幹大則枝斜斯言雖小亦可以喻大故一命之士而布衣之徒能潤色名行設禮義法約統治其族人此亦豪傑特立之行非苟而已也傳曰苟非其人道不虛行吾子孫竟安如哉然世俗恒憂其子孫不富貴余甚悲焉今高車駟馬功名著于春秋積金丘土者豈少也然

空同集 卷之六
至于其族屬則疏矣故有千金飾裘馬而族人則衣
懸鶉出本於彘弟算無遺銖已及聚朋輩則宴游日
歌舞故見尊官豪賔足怙怙如有緣至見族長輩或
不下車也其悖禮可勝道哉孔子曰其身不正雖令
不行斯其人使處父子婦姑兄弟必皆不能至道此
廢古之大患也正德二年歲在丁卯冬十一月序

